



Ponteareas
**Máis
Por
Vir!**

**Cristina
Fernández
Davila**

1. Melloramos os servizos básicos para unha maior calidade de vida nas parroquias

Nova iluminación pública

Coa substitución de máis de 7.500 lámpadas nos farois de todas as parroquias e do centro logramos unha maior calidade na iluminación coa tecnoloxía LED e un grande aforro enerxético e económico. Este cambio histórico, cun importe de 5 millóns de euros, foi posible grazas á nosa capacidade para captar recursos externos e xestionar grandes investimentos.



Pavimentación de accesos a vivendas

Melloramos os accesos a núcleos e vivendas, asfaltando e formigonando pistas que estaban en malas condicións en diversas parroquias, así como en espazos relevantes como o Parque forestal da Picaraña. Seguimos avanzando co compromiso de lograr completar este traballo en todos os accesos a vivendas que o necesitan.

Abastecemento de auga e axudas a traídas

Melloramos o abastecemento de auga, con novas redes de abastecemento e apoiando ano tras ano ás traídas veciñais para que poidan facer obras de mellora con axudas económicas por un importe total que supera os 500.000€.

É a hora do saneamento

Por primeira vez na historia, Ponteareas está en condicións de dar o saneamento a todas as parroquias. En dous mandatos conseguimos levar a cabo as dúas accións sen as cales non sería posíbel sanear as parroquias: redactar un plan director de saneamento, que estableceu os traballos a facer para sanear

todo o rural, e negociar co Estado e a Xunta a ampliación da actual depuradora. Sen unha depuradora con maior capacidade, que non verta ao río, a Confederación Hidrográfica non permite facer novas obras de saneamento en Ponteareas. A ampliación da depuradora foi xa adxudicada por un importe



de 14 millóns de euros, o maior investimento na historia de Ponteareas.

Ademais, este ano aprobamos o ciclo integral da auga, co que aseguramos investimentos millonarios en saneamento no rural. Trátase dunha concesión do servizo de abastecemento de auga, saneamento e depuración, que obriga á

empresa concesionaria a facer investimentos en obras de saneamento e abastecemento no rural que poden superar os 9 millóns de euros en proxectos que xa temos. Temos os proxectos, temos os cartos e temos en marcha a ampliación da depuradora para que non verta ao río. Polo tanto, podemos asegurar que chegou a hora do saneamento no rural.





2. Transformando Ponteareas nun concello máis saudable e accesible

Recuperando espazos públicos

Recuperamos máis de 40.000 m² do espazo público para as persoas con humanizacións, obras de mellora de rúas e prazas e actuacións transitorias para favorecer a mobilidade a pé, a estancia das persoas no espazo público, a súa seguridade e autonomía. Obras como a Praza de Bugallal, a Praza Dr. Fernández Vega (Mercado Municipal), rúa Trobador Xoán García de Guillade, Rúa Redondela, Rúa San Roque ou o entorno do Complexo Deportivo Álvaro Pino e Centro de Saúde, e o parque da rúa Sarmiento Rivera coa rúa Curuxeira cambiaron por completo para mellor a vila mellorando a calidade de vida das persoas. O rural tamén foi escenario destas actuacións: Guláns e Ribadetea, con intervencións promovidas pola Deputación.







Máis e mellor aparcamento

Quen precisa desprazarse en vehículo, conta agora con máis opcións de aparcamento ca nunca. Creáronse máis de 300 prazas novas en dous grandes aparcadoiros pavimentados, que grazas ao Plan urbanístico serán de propiedade municipal. Ademais, a creación de novos aparcadoiros e a ampliación doutros fixo que nestes se creasen case 1000 novas prazas. A implementación da zona azul gratuíta en avenidas aumentou as prazas dispoñíbeis para quen vén a Ponteareas en coche.

Un urbanismo racional

A aprobación do Plan Urbanístico (PXOM) foi un logro histórico que permitirá un desenvolvemento racional do noso territorio despois de case 20 anos de parálise urbanística. Ademais, aprobamos a Área de Rehabilitación Integral (ARI) que permitirá a particulares e ao concello obter enormes axudas económicas para obras de rehabilitación de máis de 500 vivendas, baixos comerciais e edificacións na zona máis céntrica da vila. Ponteareas precisa mellorar os seus parques públicos e infantís e máis e mellores instalacións deportivas e de lecer. Agora poderán crearse grazas ao PXOM.





3. Novos equipamentos para ofrecer máis e mellores servizos

Neste mandato púxose en marcha a creación de tres novos equipamentos de gran importancia para Ponteareas. Na Praza Maior, tras adquirir as dúas plantas superiores do edificio da Seguridade Social, está a piques de iniciar a súa actividade o **Centro de Emprendemento**. No lado oposto da Praza avanza as obras para a creación do primeiro **Centro Cívico** de Ponteareas, que contará con espazos para a mocidade e

con locais e salas para cursos, exposicións ou reunións de colectivos e asociacións.

A **Nave de Aceiros**, na Avenida de Galiza, experimentará unha profunda transformación para converterse nun novo equipamento sociocultural cunha gran praza cuberta para a celebración de eventos ou feiras e con espazos pechados para aulas, conferencias ou obradoiros.

Por outra parte, logramos 638.000€ de fondos europeos para a rehabilitación da **residencia** de maiores, mellorando prestacións e reorganizando espazos deste inmovible construído en 1979.



En marcha a recuperación e o aproveitamento social do río Tea

Un dos grandes retos desta década para Ponteareas é ampliar a depuradora para poder recuperar o río Tea, obra que xa está adxudicada. O seguinte paso é convertelo nun espazo natural e de ocio referente. Por iso deseñamos un Plan de recuperación que define como queremos que sexa o complexo

fluvial San Roque – A Freixa. Entre as accións deste plan están a transformación da paisaxe sobre o borde do río, a remodelación da praia fluvial e dos espazos de lecer como os chirin-guitos, a mellora da conectividade co centro urbano, a rehabilitación do cámping, e reurba-nización viaria ou a dotación de aparcamentos.



4. Favorecemos a actividade económica con máis emprego e máis oportunidades

Aínda que os concellos teñen limitacións para aplicar políticas de emprego, coas nosas accións favorecemos a implantación en Ponteareas de actividades económicas, apoiamos ás persoas emprendedoras e demos oportunidades ás pequenas e medianas empresas locais. Coa aprobación do Plan Urbanístico, agora poden implantarse negocios e empresas que até agora non podían facelo e legalizar outras con problemas urbanísticos que corrían risco de pechar.

Polígono industrial

Puxemos en marcha a redacción do Plan Parcial da Lomba, que permitirá que por fin contemos cun polígono industrial no que as actuais empresas poderán ampliar a súa actividade sen ter que marchar como até agora e no que outras empresas poderán asentarse.

Traballo para persoas desempregadas

Nestes anos investimos 2 millóns de € para a contratación temporal en servizos municipais de centos persoas desempregadas.

Centro de Emprendemento

Tras adquirir as dúas plantas superiores do edificio da Seguridade Social, creamos o Centro de Emprendemento na Praza Maior, unhas instalacións modernas e modélicas para asesorar ás persoas emprendedoras que queren montar os seus negocios en Ponteareas, ofrecerlles medios materiais nesas instalacións e formación para poder iniciar a súa actividade. Para este novo equipamento, investíronse preto de 500.000 euros.

Axudas a comerciantes e autónomas

Durante a pandemia destinamos 250.000€ a axudar a manter a actividade a comerciantes e autónomos. Ademais, puxemos en marcha plans de formación e asesoramento individualizado para os comercios de Ponteareas e a planificación de estratexias empresariais.

Contratación local

A nosa política de contratación de obras, subministracións ou servizos, sempre que a normativa o permite, consiste en dar oportunidades ao comercio e empresariado local para contratar cun Concello que grazas a súa boa saúde económica paga cunha rapidez nunca antes vista.

A enorme obra pública executada nestes anos, que ascendeu a 17 millóns de euros, reverteu en Ponteareas. Parte dese diñeiro quedou aquí porque as empresas adxudicatarias subcontrataron con empresas locais numerosos traballos e os centos de traballadores/as que interviñeron nesas obras consumiron na nosa hostalaría e comercio local.

Formación eficaz

A través dos obradoiros de emprego, ofrecemos formación ás persoas sen emprego, que lograron a súa colocación no mercado laboral tras a formación. Dende que gobernamos foi unha das nosas prioridades, destinando máis de 1,5 millóns de euros.

Aposta polo comercio e hostalaría

Traballamos na promoción e o apoio directo un sector fundamental da economía local como é o comercio. Facémolo con campañas de promoción e con accións como a programación cultural e deportiva, ou con medidas como a iluminación de Nadal, enchendo Ponteareas de vida e converténdoa nun reclamo para potenciar as compras no comercio e o consumo na hostalaría. Ademais, impulsamos novas actividades e apoiamos os proxectos das asociacións de comerciantes.





Potenciación do Mercado Municipal

Nestes anos realizamos melloras no Mercado Municipal, como a renovación das plataformas elevadoras, cun importe superior a 100.000€. Ademais, coa humanización da praza Fernández Vega, trasladouse ás vendedoras “da carreira” a un espazo digno.

Tras realizar unha diagnose sobre a súa situación e o seu futuro, redactamos o anteproxecto para transformalo nun novo espazo comercial para os produtores e emprendedores locais, referente de toda a comarca e adaptada ás necesidades actuais, con aparcadoiro interior, novos espazos gastronómicos, aula de formación e unha estética moderna e funcional. O importe da actuación superará os 2 millóns de euros.

5. Convertemos Ponteareas nun concello exemplar fronte ao cambio climático

O cambio climático é a maior emerxencia e reto ao que se enfronta a humanidade. O BNG, como forza cunha longa traxectoria de compromiso co medioambiente e o entorno natural, converteu a Ponteareas nun concello exemplar na loita contra a emerxencia climática, colocándoo na vangarda dos concellos galegos nese obxectivo.



Rede de calor por biomasa

Puxemos en marcha unha iniciativa pioneira como a Rede de Calor por biomasa. Nela investíronse máis de 1,1 millón de euros para dar servizo a sete edificios públicos, permitindo eliminar caldeiras de gasoil con altas emisións de CO₂, logrando un aforro enerxético e dando oportunidades de aproveitamento forestal dos nosos montes. Esta instalación está a ser unha referencia para concellos e cidades de todo o mundo, que se interesan por coñecer o seu funcionamento.


Redución de tránsito innecesario

Ao tempo que recuperamos grandes superficies do espazo público para as persoas no centro urbano, reducimos de forma espectacular o tránsito innecesario de milleiros de vehículos a motor que contribuían ao cambio climático e que danaban a nosa saúde cunha contaminación invisíbel.

Arborización

En 2019 existían no centro urbano 428 árbores. As obras executadas supuxeron a plantación de máis de 350 novas, o que supón un incremento dun 80%, todas elas cumprindo os estándares de separación coas vivendas e espazos libres para os peóns, non debaixo dos balcóns como noutras épocas.

Eficiencia enerxética



Melloramos o illamento térmico de 14 edificios públicos cun investimento superior a 1,5 millóns de euros. Así, melloramos o benestar das persoas usuarias, renovamos as instalacións e logramos un importante aforro enerxético con obras no Conservatorio de Música, a Escola Infantil, o Centro de Maiores, o Centro Ocupacional de Canedo, a Biblioteca, o Museo, a Casa do Concello.

Compostaxe

Comezamos a posta en marcha da compostaxe da fracción orgánica do lixo para reducir substancialmente os residuos que se incineran en Sogama e convertelos en abono de calidade. Puxéronse en marcha os composteiros comunitarios en varias zonas do centro urbano e iniciáronse os sistemas de compostaxe en parroquias. O noso compromiso é implantar a compostaxe para toda poboación e evitar que o 50% do lixo acabe incinerado en Sogama.



6. Ponteareas chea de vida, xusta e igualitaria



Un concello vivo e dinámico

Grandes eventos culturais e deportivos

Contamos cunha continua e ampla programación cultural e deportiva que coloca Ponteareas no mapa, organizando ou apoiando grandes eventos culturais e deportivos. Ademais, as festas de Corpus, o Nadal, o Entroido ou as Festas de setembro ofrecen unha programación dunha calidade nunca antes vista.

Fomento da cultura no rural

Activamos a descentralización cultural coa creación do programa Cultura24 que xa levou centos de actividades culturais ás nosas parroquias.

Potenciación de artistas locais

Apostamos polas creadoras e creadores locais, dándolle visibilidade a todo o noso potencial creativo e apoiándoo con orgullo.

Maior apoio ao deporte

Pasamos duns anos nos que só había subvencións en anos electorais a decidir que haxa convocatoria de subvencións para todas as temporadas. Aumentámolas nun 50% e creamos novas liñas de subvencións, para eventos deportivos e para deportistas de alto nivel.



Referencia en ensino

Consolidación de eventos de divulgación educativa

Tras pór en marcha a Semana das Ciencias e a Feira de Ensinanzas Profesionais e Artísticas, logramos a súa consolidación para axudar a centos de estudantes para o seu futuro académico e laboral.

Obradoiros e actividades

Puxemos en marcha numerosas actividades municipais tanto culturais como medioambientais, xornadas formativas para a inclusión de alumnado con autismo, obradoiros de saúde mental, intelixencia emocional, terapias con cans, igualdade e violencia de xénero ou educación sexual. Puxemos en marcha o Consello da Infancia para escoitar a opinión do alumnado.

Servizos de conciliación familiar

Abrimos o comedor escolar do Bouza Brey, ofertamos a aula matinal en todos os centros educativos, incluídos os do rural, dende as 7:30 da mañá e organizamos anualmente os campamentos de verán na vila e nas parroquias, dos que gozan máis de 400 nenos, nenas e adolescentes.

Axudas a libros e material escolar

Concedemos axudas para a adquisición de libros familiar con ingresos máis limitados da localidade que non dispoñan de ningunha outra axuda. Dende a súa posta en marcha destinamos 140.000 euros dos que se benefician as familias de case 200 escolares cada ano.

Atención a quen máis o precisa

Axudas de emerxencia social

Nos últimos catro anos destinamos case 700.000 € para axudar ás persoas en situación de vulnerabilidade co pagamento de alugueiro ou enerxía. Durante a pandemia incrementouse en máis dun 100% a contía destinada a estas axudas e creouse unha rede de voluntariado para axudar a quen o precisou. Ademais, aumentamos o cadro de persoal cunha nova traballadora social.

7. A aprobación do Plan Urbanístico abre un novo futuro ilusionante e cheo de oportunidades para Ponteareas

O BNG herdou en 2015 un Concello paralizado urbanisticamente dende que a Xunta decretara a suspensión das Normas Subsidiarias de Planeamento Urbanístico de Ponteareas en 2002, con Nava Castro de alcaldesa, para poñer coto ás anomalías urbanísticas que se viñan producindo, con graves prexuízos para o interese xeral.

Fomos capaces de aprobar un primeiro Plan Urbanístico en 2016 que foi rexeitado pola Xunta en 2017 esixindo numerosos cambios. Tras incluír as modificacións esixidas, Ponteareas aprobou en 2019 un novo Plan que tampouco satisfizo as demandas da administración galega. Dende 2020 traballouse na corrección do documento para aprobalo definitivamente coas esixencias da Xunta en decembro do 2021.

O que tiñamos

- Parálise e caos urbanístico
- Imposibilidade de asentamento de empresas
- Inseguridade xurídica de comercios e industria
- Ordes de peche e demolición por licencias ilegais concedidas

Axudas a quen axuda

Cedemos locais e concedemos máis de 125.000€ en axudas a colectivos sociais que ningún outro goberno apoiara.

Dereito á vivenda

Estamos traballando na creación dunha bolsa de vivendas de alugueiro social para a mocidade e as persoas máis vulnerábeis. Ademais, temos habilitadas 3 vivendas de emerxencia social, e estamos habilitando 5 novas que estarán dispoñibles neste ano.

- Pago de indemnizacións por compromisos adquiridos

O que permite o plan

- Reactivar a economía e a creación de emprego
- Atraer investimentos de emprendedores ao novo solo industrial ponteareán
- Garantir os postos de traballo das actividades e instalacións empresariais sometidas a ameaza de demolición e peche
- Dar solución ao comercio e a hostalaría que non podía até agora legalizar ou ampliar a súa actividade
- Dispoñer de terreos para novos equipamentos deportivos, sanitarios, educativos ou medioambientais
- Dispoñer de terreos para novos espazos públicos como parques ou aparcadoiros pavimentados.

A aprobación do Plan Urbanístico supón un antes e un despois para Ponteareas. Remata con 20 anos de parálise provocada pola nefasta política urbanística da dereita ponteareán e supón un impulso determinante para o desenvolvemento territorial, social, cultural e económico de Ponteareas. Abriuse un tempo novo cheo de oportunidades, que xa se comezan a facer realidade grazas á xestión responsábel e eficaz do BNG, conseguindo que o novo urbanismo ordenado, sostíbel e con seguridade xurídica atraia o interese de grandes proxectos.

Ponteareas, nas mellores mans



Contacta!



[bngponteareas](#)



[bngponteareas](#)



[bng.ponteareas](#)



ponteareas.bng.gal



ponteareas@bng.gal